

5616

Leckburgh
1908

9(47.925)
n-46



36
923
92-46

9(47925)

5-46

ՎՍԵՄԱՇՈՒՔ

ՅՈՎՀԱՆՆԻՍ ՓԱՇԱ ՍԱԳԸՉԼԵԱՆ

Ն. Ա. Խ. Ա. Ր. Ա. Ր


ԿԱՅՍԵՐԱԿԱՆ ԱՆՁՆԱԿԱՆ ԳԱՆՁՈՒՆ

ԳՐԵՑ

Հ. ՍԱՀԱԿ ՏԵՐ-ՄՈՎՍԵՍԵԱՆ

ՄԿԻԹԱՐԵԱՆ

216152



ՎԵՆԵՏԻԿ - Ս. Պ. Ա. Ջ. Ա. Ր

1908

13485

9/4792

Մ-46



ՊԵՐՁԱՊԱՅՑԾԱՌ

ՅՈՎՀԱՆՆԵՍ ՓԱՇԱ ՍՍԳԲԶ

ՆԱԽԱՐԱՐ ԿԱՅՍԻ ԱՆՁՆԱԿԱՆ ԳԱՆՉՈՒՆ

Հոյակատ մարդու մը գիմացն ենք, ու
րուն կենսագրական ուրուագիծը ճանչնալ
պարտի իր Տոհմը, որ կրնայ պարձենալ
իրեն ուրիշ մեծ ծնունդներով, որոնց ճա-
կատներուն վրայ կը գրոշմէ իր վաղեմի՝
բայց միշտ առոյգ նկարագիրը:

Երջանը զոր ապրեցաւ՝ հոծ է բազմա-
պիսի յեղաշրջումներով, և պատմութիւնը
կ'արձանագրէ իր էջերուն մէջ անոր կեան-
քի հետ կապ ունեցող դէպքերը՝ աստի-
ճանաւորուած մէկմէկէ աւելի փառաւոր
պաշտօններով:

Սագրվի խանձարուրքն եղան Վոսփորի-
ափերը: Ծնաւ 1836 մարտին, գերդաստանը
կը պատկանէր այն ազնուասոնմ ճիւղե-
րուն՝ որոնք իրենց դարաւոր հաւատար-
մական զգացումներովը ձեռք բերած էին
նախանձելի դիրք մը՝ արժանանալով Օսմա-
նեան մէծազօր պիտութեան գնահատման
ու վարձատրութեան, և որ միանգամայն
մասնաւոր սէր մը, զուրգուրանք մը կը
տածէին իրենց մայրենի լեզուին, մատե-
նագրութեան և իրաւոնքներուն:

Դեռ ծաղկատի, և ի բնէ ուսումնասէր՝
խոյս կու տար այն ամէն բանէ՝ որ մա-
նուկ հասակին հետ աղերս ունէին: Բան
մը կար այն ժամանակներուն մէջ, զաղոնիք
մը, որ ամէն հայու մէջ կը խօսէր տարբեր
լեզուով մը, կ'ողեւորէր անոր զաղափար-
ները և կը գծէր անոր առջեւ պատուաւոր
դիրք մը ընդգրկելու բոլոր միջոցները:

Եթէ կէս դար ետ երթանք, պիտի տես-
նենք որ Հայ ազգին մէջ չկայ զրեթէ
վարժարան մը, ուր ուսման ծարաւով
պապակող հայ մանկախն կարենար իր յա-
զուրդը գտնել: Անետիկի Միթարեանք,

պանդուխտ հողի վրայ կայնած, երբ մէկ
կողմէն ձեռք կ'երկնցնէին մայրենի աղ-
ճատուած լեզուին տալու իր նախկին փայ-
լը, իրենց կը վիճակէր նաեւ առաջին
հիմերը դնել, Եւրոպիոյ ամենէն զար-
գացեալ միջավայրին մէջ, բարձրագոյն
վարժարանի մը, ուր յաջորդեցին մէկմէ-
կու երեւելի տոհմիկ սերունդները, որոնք
ընդերկար փայլեցան հայ կեանքի հողի-
զոնին վրայ:

Փոքրիկն Յովհաննու ուշը յառած էր
գէպ ի Փարիզ, տիեզերական եռուզենի ու-
տանը, ուր հաստատուած էր Մուրատեան
վարժարանը, և զոր կը վարէր վենետիկի
Միթարեանց Միթարեանութիւնը: Խանդա-
կաթ ծնողը հակառակեցան ի սկզբան ա-
նոր կանխահաս ձկտումներուն, և չուզեցին
որ օտարանայ ան հայրենի յարկէն՝ որուն
միակ միթարութիւնն ու հըճուանքն էր:
Բայց ովկ կրնար զիմազրել զիտակից խան-
դի մը, որ օրբստօրէ կը ծաւալէր և կը
բորբոքուէր այդ մատղաշ մանկան սրտին
մէջ: Յամին 1846, հազիւ տասը տարե-
կան, բաժնուեցաւ ծնողական բնբուշ զըր-
կին, և աչքերը յոյսերու վրան՝ կը թու-
զուր իր ծննդավայրը՝ կրկին վերադառ-
նալու համար հոն մտաց բարեմասնու-
թիւններով օժտուած: Մուրատեան վար-
ժարանը իր ծոցին մէջ այդ շրջանին հիւ-
րասիրած էր բաւական թուով պոլսարնակ
ուշիմ պատանիներ՝ որոնք յետոյ ծանօթ
գէմքեր դարձան հրապարակի վրայ՝ իրը
պետական մարդիկ, զրագէտներ, բանաս-
տեղներ, փաստաբաններ, ճարտարապետ-
ներ, բժիշկներ, գեղարուեստագէտներ եւն:
Սակաւ ժամանակի մէջ, Սագըզ իր

լուրջ կենցաղով համակրելի դարձաւ իր դաստիարակաց և ուսուցչաց : Յաճախ փախուստ կու տար խաղերէ ու մանկական զրօսանքներէ, իր միակ զուարձութիւնը փնտռելով զրքերու և գիտական թերթերու մէջ : Հեղահամբոյր էր նա, ծանրաբարոյ, սակաւախօս, խոհուն և տաղանդաւոր : Իր ազնուական ու կիրթ բնաւորութեամբը և իր արտաքոյ կարգի ընդունակութեամբը դուրս կը ցատքէր իր գասանկերներուն մէջ, որոնց միշտ հիացմամբ խօսած են ու կը խօսին իր վրայ : Թէ ինչպիսի նշանաւոր սուածք մ'եղած է : Միշտ առաջին մըցանակը կը ստանար բարի վարուց, հայերէնի, գաղղիերէնի, անզպիերէնի, թուրքերէնի, իմաստամիրութեան, իրաւագիտութեան, ճարտասանութեան, քաղաքական տնտեսագիտութեան, ընդհ. պատմութեան, նկարչութեան և ի մասնաւորի՝ դիմագծութեան մէջ : Այնպիսի՝ փափուկ ձեռք ունէր, որ իր գաղղիացի նշանաւոր ուսուցիչն իր մասնաւոր գուրգուրանաց առարկայ ըրերէր կը զինքը՝ ըսելով . «Ճղա՛ս, ոու Ռափայէլ պիտի ըլլաս» :

Դպրոցաւարտի վերջի քննողթեան՝ արժանանալով առաջին մըցանակի և դափնեապսակով զարգարուելով՝ իր սիրասուն ծնողաց ու դաստիարակաց յոյսերը իրականացու:

Մտաւորական հարուստ պաշարով առլի՝
վերադարձաւ պատմական Բիւզանդիոնն,
ուր արգէն նոյն կրթական յարկէն վե-
րադարձող իր երեց ընկերակիցները շնոր-
հիւ իրենց մտաւոր բարձր կարողութեանց
և գործելու ճարպիկ եղանակովը Օսմա-
նեան Գահուն օգտակար հանդիսանալով՝
կարեւոր պաշտօններու գլուխ կը գտնուէին։
Օսմանեան գեսպանները, որ ամենա-

մեծ հաճոյքով կ երթային նախազան բազմելու Մուրատեան վարժարանի մրցանակաշխատվեանց հանդէսներուն, կը փութային իրենց գոհունակութիւնը յայտնելու վեհ. Մուլթաններուն, հրաւիրելով անոնց ուշազրութիւնը Մխիթարեանց վրայ, որոնք հայ պատանւոյն մէջ այնքան անջնջելի կը գրոշմէին Ազգին ու պետութեան նշանաւոր գործիչներ բլլալու գաղանիքը:

Սակըզ իր ազնիւ կրթութեամբ և խո-
չական լրջութեամբ յաջողեցաւ սակաւ
ժամանակի մէջ ամրապնդել իր բոլորտիքը
գծուած պատկառելի շրջանակը, և շատ
կանուխէն, 1856 Յունիսի, կոչուեցաւ
պաշտօնավարելու թ. Դրան Արտաքին գոր-
ծոց Նախարարութեան դիւռանին մէջ, (Հար-
ճիէլ Թերձիմէ օտասար), ուր Յովհաննէս
էֆ. ին երեւան բերաւ ուղղամտութիւն և
վարչական մարդու մը կարեւոր ձիբքերը.
իր մատուցած օգտաշատ ծառայութիւններն

գնահատուելով՝ 1863ին կարգուեցաւ վեշտականչ Մամիջ (Մաթպաաթ Միւտիւրի): 1860ին ընտրուեցաւ Պետական Խորհրդոյ քարտուղար (Շուրայի տէօվլէթի պաշ քեաթիպ): 1871ին Քաղաքապետուրեան վեցերրդ շրջանի (Պէյողլուի և Ղալաթիոյ) Նախագահ անուանեցաւ, և հետեւեալ տարին 1872ին՝ Առեւտրական Նախարարութեան խորհրդական (Միւսթէշար): Ամէն պաշտօն, զոր կը վարէր խղճամբտ փափկանկատութեամբ, շքոյ աստիճան մը կը կազմէր գեռ աւելի վերէր թեւակունելու: 1875ին եղաւ Նախագահ վերաբենիչ տեհեի, առեւտրական դատարանի (Cour d'appel, section commerciale), և յաջորդ տարին 1876ին՝ Կրտական Նախարարութեան խորհրդական (Մէարիֆ Նէզարէթի Միւսթէշար):

Ո՞րչափ որ այդպիսի բարձր ու փառաւոր պաշտօններու հոգն ու պատասխանատուութիւնը կը ծանրանար իր վրայ՝ ա՛լ աւելի իր ուժերը կը կրկնապատկուէին, և՝ ուռուճանային, և կ'արդարացնէր իր վրայ զրուած յոյսերը։ Միւլքիէի վարժարանին մէջ պաշտօնավարեց իրը բաղացական տընտեսագիտութեան և վարչութեան ուսուցիչ։ Մինչեւ այս ատեն, Յովհաննէս էֆ. ի համբաւը տարածուած էր միայն բարձր գասակարգի անձանց մէջ, իր համբաւը այդ վարժարանին մէջ աւելի ժողովրդական եղաւ և համակրանաց ահազին հոսանք մ'առաջ բերաւ։ Իր անմիջական խնամոց ներքեւ կրթուած ու զարգացած բազմաթիւ աշակերտները, որոնք այսօր իրենց արժանեաց ու կարողութեանց շնորհիւ՝ մեծամեծ պաշտօններու վրայ կը գտնուին և կը վայելն անողողող վստահութիւն, մէկ մէկ զրաւական են իր աչքի զարնող կարողութեանց։ Այս միջոցիս, ՔԱՊԱՐԱՆ ՏՆՏԵՍԱԳԻՏՈՒԹԻՒՆ (Խլմի սէրվէթ) խորագրով հրատարակած է թուրքերէն լեզուաւընակիր և ընդարձակ հատոր մը, ուր խտացած կը տեսնով թուրքերէն լեզուի վրայ ունեցած իր մեծ հմտութիւնը, իմաստներու ճոխութիւնը և զրելու ոճը։ Այս զրուածքը շատ յարգի է թուրքերէն նշանաւոր

ուրախութեամբ ու գոհունակութեամբ լեցուց վսեմ. փաշային բազմաթիւ բարեկամներն ու համակիրները: Նորին վաեմութիւնը զանազան առիթներով արժանացած է կայսերական բարձր գնահատման և ընդունած է Ա. Մէջատիէի ականակուռ, Ա. Օսմանիէի ականակուռ, Լիազաթ ոսկի շքադրամ, իֆթիխար ականակուռ և ուրիշ տէրութեանց բազմաթիւ շքանշաններ:

Վսեմ. Յովհաննէս Այագրզ պէտք չէ նկատել իր միայն պետական մարդ, այլ նաև տաղանդաւոր գրիչ և համբաւեալ լեզուագէտ: Ի տպայ տիոց սիրող և մշակող եղած էր մեր նախնեաց լեզուին և զրականութեան և մինչեւ ցայսօր այդ զրական պատուաբեր ասպարէզը չենք կրնար անջատել իր բաղաքական գործօնեայ կեանքն: Մեր հին լեզուին այնքան տիրացած էր՝ որչափ նորին: Իր հայերէնի կարող և բազմահմուտ ուսուցիչը, Հ. Գաբրիէլ վրդ. Այվազովսկի, իր յաջող աշակերտին զրաբարի ճոխ և գեղեցկահիւս նրբութիւններն հաղորդելէն զատ՝ իր ծանօթ քերթողական խանդէն կայծեր դրեր անոր մէջ, որոնց իր ապացոյց՝ ի միջի այլոց՝ կ'արտատպէնք հոս 1850 տարւոյ «Բազմավէպ»ին մէջ տպուած իր մէկ գողտրիկ ոտանաւորը, դպրոցական երկրորդ տարեցրջանին զրուած: Հեռու ծնողական զգուանքէ ու խանդաղատանքէն՝ մտաց մէջ կ'օրօրուէր սիրակաթ մօրը անուշ մեղեղիներու յանկերգը:



ՍԱՅՐ ԵՒ ՍԱՆԿԻԿ

Գեղեցկահիւս յորրանի
Նընչէր մանուկ գեղանի.
Մօր քո միակ յոյս չըքնաղ
Նընչեա մանկիկդ ընդ ծիծաղ:

Մայրն առ նովաւ գըլխակոր
Ծընօտ ի ծղիսըն յենոյր.
Եւ հիանայր իբր ի կախ
Նընչէր մանկիկն ընդ ծիծաղ:

Յառեալ դիտէր սիրասուր
Հայեցուածով յորդին իւր.
Դիտէր ժըպտէր մայրն ուրախ
Նընչէր մանկիկն ընդ ծիծաղ:

Եւ ի շրթանց թուոցեալ սէր
Որ ի սըրտին կայր՝ ասէր.
Նընչեա քաղցրիկ՝ քաղցր ի քուն
Անքուն զուարթնոց ի հանգոյն:

Զի՞նչ հասուցից ո՞վ Աստուած,
Ընդ պարզեւիդ գերապանծ.
Քեզ նըւերեմ զիմ մանկիկ,
Այլ դու նընչեա աստ այժմիկ:

Ո՞չ, քեզ, զհայցուած քո, ո՞վ կին,
Տարան հրեշտակը ի յերկին,
Եւ քաղցրացաւ ձնիդ յոյժ,
Այլ քեզ մանկիկ նինջդ անոյշ:

Յայնժամ սրովբէ լուսալից
Իջեալ անդէն ի յերկնից՝
Մերձ ի յորրանն հասանէ.
Զի՞ ինպիես, ո՞ւ սերովբէ:

« Մանուկդ որ ինձ նըմանիս
Ասէր, օ՞ն եկ դու ընդ իս,
Եկ և ընդ քեզ համազոյց
Մինչեւ յերկինըս թոփցուք:

Զաշխարհ, լզցաւս թող ի բաց,
Բանզի ի թիւս հրեշտակաց
Պիտի մանկիկ մի յերկին,
Ե՞կ և լըցցես ըզթերին »:

Եւ զձիւնափայլն իւր ըզթեւս
Շարժեալ հրեշտակն ըզթեթեւս,
Թըռեաւ... ո մայր, ո՞հ, եղուկ
Վահ քեզ, մեռաւ քո մանուկ:


Այս որչափ սիրոյ կիրք, բառերու որպիսի ճաշակաւոր ընտրութիւն, ինչքան ճոխութիւն յանգերու, և որքան գորովաւլից շեշտեր խանդակաթ մօրն՝ մանկիկին սնարին մօտ կայնած: Մայր մ'ըլլալու էր կարենալ զգալու համար այդքան խանդաղատանց և գորով: Պաճուճուած իւմաստ մը չկայ հոն, պարզ սրտի մը և կոկիկ մոքի արտագրութիւնն է, զոր որշափի կարգաս, այնչափ կ'ախորժիս:


Տիեսէք այդ ալեւոր պետական մեծ մարդը, որ տարիներու երկար շարքին ներքեւ գեռ չէ կքած, իր պատկառելի դէմքին վրայ կը կը ազնուութեան կնիքը, առանց բան մը պակսեցնելու յարգանքն, և աչքերուն մէջ աշխոյժ ցոլքը՝ պատկեր իր խոհական մտաց: Իր անպաճոյն և ան-

սեթեւեթ վարմունքովը, առաջին տեսութեամբ իսկ կը գիւթէ զքեզ, և բուռն տենչէ մը կը զգաս մաղթելու իրեն զեռերկար տարիներ՝ իր թանկագին ծառայութիւններ նուկիրելու պետութեան ու Ազգին, միոյն հաւատարիմ ու անձնուէր պաշտօնեայ, միւսին հարազատ զաւակ:

Այսն կենսագրական հակիրճ տողերուս վերջ տալէ առաջ, անշուշտ պիտի ներուի մեզ յիշել նաեւ իւր հարազատն, Ազնուաշուր Արմենակ Պէտ Այագրզ, որ հօրամոյն բարեմասնութիւններով օժտուած և յարգուած դէմք մ'է, և որուն համար ամէն գովեստէ վեր է ըսել՝ այնպիսւոյ հօր պաշտօն և նազելի շառաւիդ:

Կ. Պոլիս, 1 Յունիուս 1908





5616

0001482

2013

ՀՀ Ազգային գրադարան



NL0001482

